

Dnevni avaz: Intervju sa visokim predstavnikom Christianom Schmidtom



Razgovarao: Danijal Hadžović

Dnevni avaz: Nedavno ste izjavili da one koji pokušaju počiniti izbome krađe očekuju rigorozne sankcije. Možete li biti konkretniji?

Christian Schmidt: Treba naglasiti da izbori jesu pravo građana i građanki, a ne pravo stranaka. Stranke ima da ponizno prihvate rezultate. Želio sam poslati signal da oni koji pokušaju manipulirati rezultatima mogu imati krivične konsekvence, a ja ću provjeriti da li je s tim povezano antidejtonsko djelovanje. Na osnovu toga ću povući poteze.

Dnevni avaz: Kakve?

Christian Schmidt: To zavisi od moje procjene. Oni koji misle da mogu utjecati na glasanje i manipulirati rezultatima, imat će posla s državnim tužiocima i sa mnom.

Dnevni avaz: Također ste rekli da nećete dozvoliti ni postizbome blokade. Ne moramo više strahovati od scenarija da imamo četiri godine vlast u tehničkom mandatu?

Christian Schmidt: Nisam spreman više takvo nešto prihvatiti i djelovati ću u korist građana. Budite uvjereni da neću pasivno gledati ako neko bude pokušao spriječiti realizaciju volje

birača.

Dnevni avaz: Dali ste političarima rok od 12 sedmica da dogovore ključne izmjene Izbomog zakona. Taj rok je prošao, ništa se nije desilo. Zbog čega?

Christian Schmidt: Sa svim strankama sam razgovarao. Neke su dale vrlo konkretne prijedloge, ali dogovora, nažalost, nema. Šta je bio smisao, zašto sam to učinio? Rekao bih da sam djelovao po motu "uradi sam". Po tom pitanju sam vratio loptu ovdašnjim izabranim predstavnicima, ali ja neću ostati samo promatrač igre. Godinama smo bili i previše velikodušni prema bh. političarima.

Dnevni avaz: Šta ste spremni poduzeti?

Christian Schmidt: Ukoliko se na nivou Federacije mogu neke stvari napraviti, mislim da to trebamo zajedno uraditi, ali, kako rekoh, nakon izbora oni koji budu izabrani trebaju reći da to hoće da urade i da to preuzmu u svoje ruke. Ja sam uglavnom strpljiva osoba, ali moje strpljenje ima granice.

Dnevni avaz: Dok mi razgovaramo, Dodik je otišao u Moskvu da se sastane s Putinom. Podržao je rusku agresiju, Vas ne priznaje kao visokog predstavnika, kaže kako prisluškuje američkog ambasadora. Do kada ćete ga tolerirati?

Christian Schmidt: Imam utisak da on od toga pravi instrument za svoju kampanju. Samo što stvara saveze s pogrešnim ljudima. Gospodin Putin, ukoliko ga uopće bude susreo u Moskvi, neće obećati nikakve pare više, jer ni sam nema para. Dodik treba biti svjestan toga da ga Putin možda koristi samo kao lutku. Ako neko želi biti destruktivan, onda se odluka o tome neće donijeti u Banjoj Luci, nego od njegovog sagovornika i ja bih mu preporučio da dobro razmisli o svakom koraku koji namjerava poduzeti.

Dnevni avaz: Napadaju Vas mnogi s bošnjačke strane. Komšić i DF Vas konkretno optužuju da ste u službi HDZ-a BiH...

Christian Schmidt: Previše sam izbornih kampanja imao i u vlastitoj zemlji da ne bih znao da se ne treba osvrutati na njihove riječi koje za cilj imaju prikupljanje glasova. Nekome ko mene optužuje da želim betonirati etničku podjelu, mogu reći samo da me ne poznaje. Situacija je potpuno suprotna. Ali oni koji kažu "sad ćemo napraviti revoluciju i poništiti ćemo sve identitete", također ne rade u korist poboljšanja stvari.

Rak-rane korupcija i nepotizam

Christian Schmidt: Ako nam tri stvari pođu za rukom, prvo da se ljudi dogovore u vezi s onim "nikada više". Drugo, ne treba potencirati stvari koje razdvajaju, nego one koje spajaju. I treće, rak-rane ovog društva su korupcija i nepotizam. To će biti najteže iskorijeniti, ali zato je potrebno da se ljudi odreknu starih navika. Ako riješimo te tri stvari, ja sam optimista da ovo može biti uspješna zemlja.